

OKVIRNI SPORAZUM

O nabavci usluga servisiranja i održavanja službenog motornog vozila iz lota 2 Audi A6 3.0 TDI

između:

1. **Ustavni sud Bosne i Hercegovine** sa sjedištem u Sarajevu, ul. Reisa Džemaludina Čauševića 6/III, kojeg zastupa predsjednik Ustavnog suda Mirsad Ćeman (u daljnjem tekstu: **Naručilac usluga**)

i

2. **„PORSCHE BH d.o.o.“**, Bulevar Meše Selimovića br. 16, Sarajevo, kojeg zastupa AlexAndor Vaszi direktor (u daljnjem tekstu: **Pružalac usluga**)

Član 1.

(Predmet okvirnog sporazuma)

(1) Predmet ovog okvirnog sporazuma je nabavka usluga servisiranja i održavanja službenog motornog vozila iz lota 2 za potrebe **Naručioca usluga** prema specifikaciji iz člana 7. ovog okvirnog sporazuma.

(2) **Naručilac usluga** i **Pružalac usluga** su saglasni da okvirni sporazum realiziraju prema definisanim uvjetima u tenderskoj dokumentaciji, broj P3-464 /17 od 31. maja 2017. godine i prema sadržaju ponude broj 700/2017-S.H. od 12. juna 2017. godine sa kojom je **Pružalac usluga** učestvovao u provedenom postupku konkurentskog zahtjeva za dostavljanje ponuda i rezultatima održane e-aukcije.

(3) **Naručilac usluga** zadržava pravo potpune ili djelimične realizacije nabavke usluga do ukupne planirane vrijednosti, a prema planu potreba za predmetnu nabavku.

Član 2.

(Vrijednost okvirnog sporazuma)

(1) Okvirni sporazum se zaključuje sa procijenjenom vrijednosti, u iznosu do 4.000,00 KM bez uključenog PDV-a, odnosno 4.680,00 KM sa uključenim PDV-om.

(2) Za pružanje usluga iz člana 1. ovog okvirnog sporazuma utvrđuje se ugovorna cijena set usluga od 10 stavki prema ponudi broj 700/2017-S.H. od 12. juna 2017. godine u iznosu od 2.711,50 KM bez uključenog PDV-a odnosno 3.172,45 KM sa uključenim PDV-om.

(3) Ukupna plaćanja bez poreza na dodatnu vrijednost, na osnovu izvršenih svih pojedinačnih usluga po zahtjevima **Naručioca usluga** na osnovu ovog okvirnog sporazuma ne smiju prelaziti procijenjenu vrijednost nabavke iz stava (1) ovog člana.

Član 3.
(Način plaćanja)

- (1) Plaćanje usluga iz člana 1. ovog okvirnog sporazuma Naručilac usluga će izvršiti u roku od 7 dana od dana prijema računa sa prilogima (radni nalog i specifikacija ugrađenih dijelova) od strane Pružaoca usluga, na transakcijski račun Pružaoca usluga, bez reklamacija.
- (2) Izvršilac usluga se obavezuje na nepromjenjivost cijena tokom cijelog ugovornog razdoblja.

Član 4.
(Rok izvršenja usluga)

- (1) Obavljanje usluga iz člana 1. ovog okvirnog sporazuma će se vršiti sukcesivno i kontinuirano po pojedinačnim zahtjevima Naručioca usluga.
- (2) Pružalac usluga osigurava isporuku svih potrebnih rezervnih dijelova za opravku i servisiranje službenih motornih vozila i obavezuje se da će u slučaju kvara osigurati originalne rezervne dijelove i kvar otkloniti u roku od maksimalno 48 sati po preuzimanju vozila. U slučaju da je za popravak vozila potrebno duže od 48 sati, Pružalac usluga je dužan obezbijediti zamjensko vozilo u rangu vozila Naručioca usluga.
- (3) U toku ugovornog perioda, Pružalac usluga ispostavlja fakture na osnovu dostavljenog CD odnosno aktuelnog cjenovnika sa listom svih rezervnih dijelova za vozilo marke Audi A6 3.0 TDI i njihovim cijenama.

Član 5.
(Viša sila)

- (1) Naručilac usluga i Pružalac usluga se neće smatrati odgovornima za kašnjenje u ispunjenju obaveza prema ovom okvirnom sporazumu, neposredno ili posredno, ako je zakašnjenje usljedilo usljed više sile.
- (2) Pod višom silom podrazumijevaju se slučajevi koji se mogu pojaviti poslije stupanja ovog okvirnog sporazuma na snagu, a koji nisu pod kontrolom ni jedne ugovorne strane, niti se objektivno mogu predvidjeti, a sprečavaju jednu ili obje ugovorne strane u ispunjavanju preuzetih obaveza po ovom sporazumu.
- (3) U što skorijem roku, nakon djelovanja *više sile*, a ne duže od dva dana, Pružalac usluga detaljno obavještava Naručioca usluga pismenim putem o djelovanju *više sile*. U slučaju da se utvrdi da Pružalac usluga nije u mogućnosti da ispuni obaveze prema ovom okvirnom sporazumu, Naručilac usluga ima, i može koristiti, pravo na raskid ovog sporazuma o čemu će pismenim putem obavijestiti Pružaoca usluga u roku ne dužem od tri dana nakon saznanja o djelovanju više sile.

Član 6.
(Garancija)

- (1) Pružalac usluga garantuje da će usluge iz člana 1. ovog sporazuma vršiti kvalitetno, savjesno, blagovremeno uz angažovanje stručnih i obučениh servisera, a u cilju produženja vijeka trajanja vozila.
- (2) Garantni rok na izvršenu uslugu i na ugrađene rezervne dijelove je minimalno godinu dana.



(3) Ukoliko se oštećenje ili nedostaci pokažu za vrijeme trajanja garancije, Naručilac usluga pismenim putem obavještava Pružaoca usluga koji je obavezan u što je moguće kraćem roku popraviti ili otkloniti nedostatke.

(4) Pružalac usluga garantuje da će ugrađeni rezervni dijelovi biti tvornički novi, neupotrebljavani, originalni i da će funkcionisati.

Član 7. (Specifikacija)

Sastavni dio ovog okvirnog sporazuma je ponuda Pružaoca usluga broj 700/2017-S.H. od 12. juna 2017. godine sa kojom je učestvovao u konkurentskom zahtjevu za dostavljanje ponude i Izvještaj održane e-aukcije.

Član 8. (Ostale odredbe)

Sve eventualne zahtjeve za izmjenom već ugovorenih usluga, Naručilac usluga i Pružalac usluga će riješiti međusobnim dogovorom i uskladiti obračun troškova zaključivanjem posebnog aneksa koji će biti sastavni dio ovog ugovora, u skladu sa odredbama zakona o obligacionim odnosima u Bosni i Hercegovini.

Član 9. (Period trajanja sporazuma)

(1) Ovaj Okvirni sporazum se zaključuje na period od 12 mjeseci od momenta potpisivanja ovog sporazuma od strane ovlaštenih osoba sporazumnih strana, odnosno u okviru vrijednosti iznosa na koji se zaključuje okvirni sporazum iz člana 2. stav (1) ovog okvirnog sporazuma.

(2) U ugovornom periodu, sporazumne strane imaju pravo da za predmet sporazuma opisan u članu 1. ovog okvirnog sporazuma zaključuju pojedinačne ugovore po potrebi bez primjene postupaka utvrđenih u Zakonu o javnim nabavkama, u pogledu svakog od ugovora koji su zaključeni po osnovu ovog okvirnog sporazuma.

(3) Naručilac usluga može umjesto zaključenja pojedinačnog ugovora Pružaocu usluga dostaviti narudžbenicu.

(4) Ukoliko se jedna od ugovornih strana ne bude pridržavala odredaba ovog sporazuma, okvirni sporazum se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog okvirnog sporazuma.

(5) Otkazni rok po ovom sporazumu je 15 dana, a ugovorne strane ovog sporazuma se obavještavaju pismenim putem.

Član 10. (Zaštita prava)

(1) U slučaju spora po odredbama ovog okvirnog sporazuma, ugovorne strane će ga nastojati riješiti mirnim putem, u protivnom nadležan je Sud Bosne i Hercegovine u Sarajevu.

(2) Na sva prava i obaveze ugovornih strana koja nisu regulisana ovim ugovorom, primjenit će se odredbe zakona o obligacionim odnosima u Bosni i Hercegovini.


Član 11.
(Stupanje na snagu)

Ovaj okvirni sporazum stupa na snagu danom potpisivanja od strane ovlaštenih osoba ugovornih strana, a primjenjivaće se od 16. novembra 2017. godine.

Član 12.
(Broj primjeraka okvirnog sporazuma)

Ovaj okvirni sporazum sačinjen je u četiri istovjetna primjerka, od kojih svaka ugovorna strana zadržava po dva primjerka.

ZA ISPORUČIOCA


Direktor
Sarajevo, 16.08.2017.
Broj: U-420/17

ZA NARUČIOCA



Mirsad Ćeman
Predsjednik Ustavnog suda BiH
Sarajevo, 16.8.2017.
Broj: P3-464/17-II